

do che li beni in detti comuni situadi è stà compradi et si comprano per quelli di la Riviera di Salò et portadi a li extimi dove habitano li compradori, et non voleno contribuir con li ditti comuni, però sia preso: che tutte le possession et beni aquistadi e se aquisterano per quelli di la Riviera di Salò, debbano contribuir per la rata con quelli di ditti comuni dove sono posti li beni, con questo, ditti compradori possino partecipar di ogni comodità, come fanno quelli di essi comuni; et a questa instessa condition siano quelli di Salò, Riviera et montagna di sora. Fu presa. 153. 11, 25.

Fu ballotà poi li piezi di sier Andrea Arimondo qu. sier Alvise, el qual vol levar banco di scritta, in execution di la parte. Et tutti fo stridati rimasti excepto tre, i quali sono, sier Alvise Barbaro qu. sier Zacaria cavalier, procurator, sier Beneto Marin qu. sier Marco, et sier Anzolo Justinian qu. sier Alvise. Ma poi viste le leze, fo trovà che questi piezi, nè niun di altri banchi stridati rimasi, haveano auto in tutto il corpo il numero di le ballote che vuol la ditta parte, *unde* fu posto la ditta parte:

Fu posto adunca, per li Consieri e sier Alvise Grimani cao di XL, in loco di Consier, e li Cai di XL: atento fusse provà l' altro zorno li piezi di banchi di scritta et molti non havendo scosso in tutto el corpo da numero 150 ballote, come vuol la parte, *tamen* fono stridati rimasi, et con effecto non era il ditto numero di 150 in Consejo, pertanto sia preso che le ditte ballotazion siano taiate et di novo si fazi la prova di piezi di banchi preditti. Ave: 129, 28, 1.

Di Dalmatia fono lettere di Trau et Sibinico et Zara. Zerca li andamenti di turchi sotto Clissa, *ut in eis*.

Di sier Hironimo da Canal provedador general in Dalmatia, date a, a dì Fevver. Come era indisposto, nè si poteva exercitar, pertanto richiedeva fusse fatto in suo loco volendo la Signoria nostra esser servita, sicome in ditte lettere si contien.

16. Nota. Sier Andrea Arimondo qu. sier Alvise, qual vol levar banco, fu balotado prima la soa persona come banchier in execution di la parte, et ave: 86 de sì, et 65 di no et rimase. Poi fo ballotà questi piezi.

*Piezi di banco se dia levar
di sier Andrea Arimondo qu. sier Alvise.*

Sier Zorzi Corner el cavalier,
procurator per ducati 1000 142.10

I Diarii di M. SANUTO. — Tom. XXXVI.

Sier Antonio Morexini qu.			
sier Michiel	ducati	500	121.30
Sier Silvan Capello e sier Luca Vendramin <i>dal Banco</i> .	»	2000	135.17
Sier Francesco Longo qu.			
sier Francesco	»	1000	120.32
Sier Mafio Bernardo qu. sier Francesco <i>dal Banco</i> .	»	1000	122.31
Sier Anzolo e sier Francesco Michiel qu. sier Hironimo .	»	1500	93.61
Sier Filippo Capello di sier Polo el cavalier.	»	1000	104.44
Sier Francesco e sier Marco Antonio Zen, qu. sier Alvise	»	500	87.65
Hironimo di Andrea mercadante	»	1000	130.22
Sier Filippo Basadonna qu. sier Alvise	»	1000	89.63
Sier Marco Vendramin qu. sier Polo, qu. Serenisimo	»	2000	115.38
Sier Marco Bragadin qu. sier Zuan Alvise	»	500	81.71
Stefano Nadal mercadante .	»	1000	128.27
Marco Antonio Arnoldi . .	»	1000	97.57
	ducati	15milia	

Questi non passò.

Sier Alvise Barbaro qu. sier Zacaria cavalier procurator, per	ducati	1000	72.84
Sier Beneto Marin qu. sier Marco	»	1000	77.77
Sier Anzolo Justinian qu. sier Alvise	»	500	72.84

Nota. Altri otto fo balotadi piezi per ducati 7500 et passono, ma per una parte poi formada (*andonno*) zoso, *videlicet* questi, ballotadi poi a di 17 di questo mexe.

Sier Marco Lando fo dil reverendissimo domino Piero per	ducati	1000	
Sier Zuan Antonio Venier qu. sier Giacomo Alvise	»	1000	
Sier Antonio da cha' da Pexaro qu. sier Alvise	»	500	
Sier Carlo Contarini di sier Panfilo .	»	1000	